

# Igoro ya 'Ng'anaki...

Barry, A. L. - WHAT ABOUT? BEING A LUTHERAN - *Ekegusii*

## Okoba Omoluteeri

Omonyagitaari A. L. Barry  
Omotaang'ani  
Ekanisa y'Ekeluteeri y'Esinooti ya Missouri



## **Ekeene, Omoluteri Ning'o?**

Noonya chiinchera chireo chinyiinge chi'okoiraneria okobooria oko, okoiraneria okomo kore n'engeencho enene nakwo oko, "Omoluteeri nomoonto oyio bwegeenete, okwoorokereria, naende okoorokia ekeene kie Riing'ana ria Nyasae buna koreng'aana kieng'eirie na koorokigwa ime y'egetaabu gekorokwa The Book of Concord. Egetaabu eke nigo kebwaate Okoorokia gw'Okwegeena gw'Ekeluteeri.

Kero keened kwabeire ase omoriisia agosesenigwa ase akobeeerwa amaboko na kwamoiguure okoria eira 'ng'a nakore emeremo y'obokoreri bwaaye ase okobwaatia Okoorokia gw'Ekeluteeri. Ekeru abaanto bakobeeerwa amaboko, nigo bakoboorigwa gose 'nkoorokia bare okwoorokereria gw'Ekanisa y'Enchiiri y'Ekeluteeri, buna koreng'aana beorokereirie korwa ase Ekatekisimo Enke, koba abegeenwa naende abanyakeene.

Chiira echi chi'esiko nigo chigotwoorokia buna koreng'aana Okoorokia gw'Ekeluteeri kore n'engeencho enene ase ekanisa yaito. Boono toungurie chinseemo ao ao echio chire ime y'egetaabu gekorokwa The Book of Concord eriinde toteebe 'ng'a ninki gekogera Okoorokia gw'Ekeluteeri kore n'engeencho enene ase okoba Omoluteeri.

## **Chiinchera Isato chi'Okoorokia [Okwegeena] kw'Obokristo 'Nchirichi?**

[Chiinchera isato] chi'Okoorokia [Okwegeena] kw'Obokristo chire ime y'egetaabu gekorokwa The Book of Concord n'Okoorokia kw'Abatomwa, Okoorokia kwa Nikea, n'Okoorokia gw'Atanasi. Nigo kera okoorokia gokweerwa buna "okore kw'Abakristo" (boonsi ase ense engima) ekiagera kera okomo nigo goitabire n'Abakristo ase ense engima buna chinkwaana chia boroonge chigokwaanwa igoro ya keria Riingana ria Nyasae rikwoorokereria.

## **Ninki Engeencho y'Okoorokia kw'Augsburg amo n'Okoeegerera Okoorokia kw'Augsburg?**

Omwaaka bwe 1530, Abaluteeri nigo baganeirie barwe okoorokia kwaabo gw'Okwegeena bosio bwa kaisaari ase omochie o Augsburg, aaria Bocheremani. Filipino Melanchthon neere oriigete Okoorokia kw'Augsburg na okoorokia okwo nigo

gwasoometwe bosio bw'ekegaambo ekenene chitariki 30, Ebwaagi, Omwaaka bwe 1530. Nyuma y'omwaaka oyoomo, Abaluteeri bakarwa Okoeegerera kwaabo gw'Okoorokia kw'Augsburg, okwo aiga kore n'engeencho ya "Okoeegerera." Okoeegerera oko boigo nigo kwariigetwe na Filipino Melanchthon. Nakwo kore enseemo enene kobua chionsi chi'amariiko ime y'egetaabu gekorokwa The Book of Concord, egesieri kere egetaambe kobua bionsi, keruure [egesieri] ase ekeene kere n'engeencho gi'okwegeena kw'Obokristo: okwoorokereria gw'okobarerwa oboroonge ase obuya bwooka, ase okwegeena gw'ooka, n'ase Kristo bweeka.

## **Ninki Ekatekisimo Enke n'Ekatekisimo Enene?**

Korwa omochaakano, Martin Luther nigo amanyete buna Abakristo amo n'abariisia bengaki yaaye batamanyete keende noonya n'oboene bweriitang'ani igoro y'okwegeena kw'Obokristo. Aang'e n'omwaaka bwe 1530, akariika ebiteabu bibere ebike eriinde bibakoonye abariisia amo n'bateneneri bechiamate kwoorokereria igoro y'okwegeena.

Ekatekisimo Enke n'Ekatekisimo Enene nigo bire igoro y'echinseemo isaano neemo: Amachiiko Ikomi, Okoorokia kw'Abatomwa, Ogosaba kw'Omonene, Ebatiiso Enchenu, Okoorokia (kw'Ebibe), na Esakaramenti y'Egesasiimero. Obweeng'e bwa amorokererio aya amaya ariigetwe na Luther nigo aitabetwe ase ense engima, na aseigo akariikwa koba enseemo y'egetaabu gekorokwa The Book of Concord.

## **Ninki Engeencho y'Amasabo a Smalkaldi amo n'Amariiko Igoro ye Chinguru n'Obonene bwa Papa?**

Omwaaka bwe 1537, Martin Luther akaboorigwa ariike amang'ana igoro y'Okwegeena gw'Obokristo ayio ekegaambo ekenene gi'ekanisa kiareenge gochia gokorera emeremo, onye kiareenge koraangerigwa. Nyuma y'ayio, Okoorokia gw'Okwegeena kw'oboremu naende gw'echinguru kwariigetwe na Luther gogasoigwa ime y'egetaabu gekorokwa The Book of Concord. Okoorokia gw'okwegeena okwo kogasoomerwa ekombe ki'abagaambi b'Ekeluteeri abwo baumeranete ase omochie o Smalkaldi. Filipino Melanchthon akaboorigwa aere ase oboagare igoro ya Papa bw'Abaruumi na agakora boigo ase amariiko

## Igoro ya 'Ng'anaki...Okoba Omoluteeri?

aye, ayio boigo ariigetwe ime y'egetaabu gekorokwa The Book of Concord.

### **Ninki [Engeencho] y'Obosemia bw'Okoigwaana? (Formula of Concord)**

Nyuma y'ogokwa kwa Luther omwaaka bwe 1546, okoamererania okonene kogachaaka ase Ekanisa y'Ekeluteeri. Nyuma y'echinkwaana n'okoamererania okoonge, Obosemia bw'Okoigwaana bogakooro okoamererania okwo gw'okwoorokereria omwaaka bwe 1577. Ekanisa y'Ekeluteeri ekanyaara kogeenderera ebwaataine ase aria yegeenete, yareenge kwoorokereria na koorokia. Omwaaka bwe 1580, amariiko onsi y'okoorokia ayio atoire aiga agasangererigwa na koriikwa koba egetaabu ekemo gekorokwa The Book of Concord. "Concord" neriing'ana rire n'engeencho ya "okoigwaana."

### **'Mboamate ki Boreo gati y'Ebibilia na Okoorokia [Okwegeena]?**

Nigo tokoorokia 'ng'a "Riing'ana ria Nyasae 'ndigweenerete gotigara koba ogochiika n'ekereengo kia beene ki'amorokererio onsi" (FC SD, Rule and Norm, 9). Riria Ebibilia egokwaana, nario Nyasae agokwaana. Riria Ebibilia egochiika, nario Nyasae agochiika. Okobua kwa Amariiko Amachenu nebiikeranu, nekeene naende nomoerio. Okoorokia gw'Ekeluteeri nigo kogoitaba Amariiko Amachenu buna Riingana ria Nyasae rinyene. Okoorokia gw'Ekeluteeri nigo kogotosorora twegeene Amariiko Amachenu ekiagera "tagotong'aina," (LC, V, 76) na takonyaara koba "oborimo naende takong'ainereria" (FC SD, VII, 96). Ebibilia ne Riing'ana ria Nyasae "riichenu, ritari na komocha, na ritari koonchoka" (Ogochaakera kwa BoC).

Okoorokia gw'Ekeluteeri nakwo "oboroso, ogochiika, naende ekereengo gekwoorokia buna amorokererio onsi agweenerete gotukwa na korengwa kobwaatekana ne Riing'ana ria Nyasae" (FC SD, RN). Ekiagera okoorokia kobwaataine n'okwoorokereria ogoikeranu kwe Riing'ana ria Nyasae ririikire, nigo kogokora emeremo buna ekereengo ase Ekanisa y'Ekeluteeri kwoorokia 'ng'a okwoorokereria kw'obwegeenwa kw'Ebibilia 'nkoroki, buna korEkereenga okwoorokereria kweerire ase Okoorokia.

### **Ekereenga Ekenene gi'Okoorokia gw'Ekeluteeri 'Nkereki?**

Okoroisigwa gw'Ekeluteeri tikwareenge "Okoeeneena," koreende nigo gwachaagete buna okweera kw'emereemo y'ekeene ki'amariiko y'oborimo na ayogosiria, ayio, ase egesio ekebe, noonya 'ngoika reero iga, abisete obonene na okogweenera kwa Yeso Kristo. Ekio kiamong'usetse Luther n'omokia bwogweechandera Enchiiri ya Yeso Kristo. Aiga Okoorokia gw'Ekeluteeri 'nkweera kore'ng'a Emeremo y'Enchiiri nereri: "Mwanyabaanto tibararibwatia richiiko ria Nyasae koreende barisaririe. Engeencho yaabo y'ekemwanyabaanto yogosaria, ase ebireengererio, ase amang'ana, n'ase ogokora nigo bikoamererania nerichiiko. Ase engeencho eyio, nigo bare inse y'endamwaamu ya Nyasae, y'amakweeri, y'emechaando yonsi y'ense eye, naboigo egesusuro kiomerero o kare na kare. Omoerio oye, Enchiiri, ase okoenekia kwaaye, nigo ekwoorokereria aria abaanto bagweenerete kwegeena, nakwo ogoteeba, 'ng'a banyoorire okwaaberwa kw'ebibe korwa ase Nyasae; 'ng'a Omwaana o Nyasae, Kristo Omonene oito, Ere Omonyene otoimokeirie okoragererigwa kwe richiiko, obwaatanirie na oakaneire ebibe biaito bionsi; 'ng'a goetera ase Ere bweeka twairaniigwe ase obuya bwa Nyasae, twanyoorire okwaaberwa kw'ebibe ase enchera y'okwegeena naende twatooriigwe korwa ase amakweeri na korwa as'ebisusuro bionsi bi'ebibe biaito naende twatooriigwe kare na kare. . . Naro amang'ana amaya, ay'omogooko, 'ng'a Nyasae tatageti koa ebibe egesusuro koreende nigo atagete kobiabera ase engeencho ya Kristo" (FC SD, V, 20).

### **Omoluteeri Okoorokia [Okwegeena] Noorori?**

Riing'ana okoorokia nigo rigokora emeremo ase chiinchera ao ao, koreende ekero togokwaana igoro y'Omoluteeri, "Okoorokia," engeencho yaaye n'Omoluteeri oyio okorareria ense okwegeena kwaaye na keria egeenete ase omooyo oye n'obomaene, bw'okoigwaana n'aria ariikire ime y'egetaabu gekorokwa The Book of Concord. Ime yaayo, nonyoore omoika bw'okoorokia bw'Ekeluteeri, amang'ana y'omoerio ariikire ime y'egetaabu gekorokwa The Book of Concord: "Aseigo, bosio bwa Nyasae na bosio bwa Abakristo boonsi, ba boono n'ebiare biaito biamatuko are bosio, 'ntoganetie korwa oborori 'ng'a okweera oko

## Igoro ya 'Ng'anaki...Okoba Omoluteeri?

nebing'ese ebi biakwaaneretwe na kweerwa agwo ritaang'ani nigo bigweekaine n'amoorokererio, okwegeena, n'okoorokia gwaito. Ase obuya bwa Nyasae 'ntoganetie kororekana bosio bw'ekerogo gi'ekiina na kia Yeso Kristo, tore ne chiinkoro chindemu na korwa omobaro Oye. Intwe titotagetie koriika mamiincha yaayio, bobisi gose maiso marore. Riibaga erio, ase obuya bwa Nyasae, 'ntoganetie koyabwaatia " (FC SD, XII, 40).

### **Ninki Ogwaanchera gw'Okoorokia [Okwegeena] Gotabwaati Getaango?**

Abariisia b'Ekeluteeri Bakoorokia nigo baganeirie "baanchere" Okoorokia gw'Ekeluteeri gotabwaati getaango ekiagera nigo bare okwera ogoikeranu kwe Riing'ana ria Nyasae. Eye neero enchera abariisia baito, na kera omobwaatania oyio okoorokia okwegeena kwaaye ime y'Ekatekisimo Enke, aranyaare goteeba riria ere egeneete koba ekeene kie Riing'ana ria Nyasae ase omogooko omoonge naende tang'u-tang'u chitaiyo gose getaango.

Omonyagitaari C. F. W. Walther, Omotaang'ani bw'eritaang'ani bw'Esinooti ya Missouri, neerete engeencho y'ogwaanchera gw'okoorokia [okwegeena] gotabwaati getaango ase amang'ana are maiso marore naende amakong'u reero iga buna koreng'aana areenge engaki eyio: "Ogwaanchera gotabwaati getaango, nakwo kore okoraria kwa beene, okwo omoonto oyio oganetie gokorera ekanisa akorwa, ase eira 'ng'a, naancheranete okworokereria kore ime y'Okoorokia gwaito gw'Ekeluteeri, ekiagera omanyire oboene 'ng'a, 'nkobwaataine na Amariiko Amachenu naende tikori gotaanga Amariiko Amachenu ase 'nchera ende yonsi, ebeenke gose enene; naende 'ng'a, ase engeencho eyio, negeenete n'omooyo oye bwoonsi igoro y'ekeene eke kia Nyasae naende nerweete koyaraandia amorokoererio aya."

### **Aseigo, Ninki Okoba Omoluteeri?**

Okoba Omoluteeri nokoba omoonto bwegeenete obomaene bwe Riing'ana ria Nyasae, Ebibilia Enchenu, buna koreng'aana bierire boroonge na kwoorokererigwa ime y'egetaabu gekorokwa The Book of Concord. Ogokora boigo nokoorokia Enchiiri ya Yeso Kristo. Abaluteeri abaene, Abaluteeri bakoorokia, 'ngoteema bare kobeeka chinguru 'ng'a, "Amorokererio onsi nagweenerete kobwaatana n'ebireengo (Okoorokia gw'Ekeluteeri) ebio biaruurwe agwo igoro.

Riinde rionsi rire mamiincha y'ebio, 'ndigweenerete kwaangwa na koragererigwa onye rikoamererania maiso marore n'okoraria gw'okwegeena gwaito" (FC Ep. RN, 6).

Ase abaande, amariiko buna ayio nabo aranyaare kororekana koba ay'ogweaka egekuba. Koreende teri boigo; ribaga riayio, nigo ere enkwaana y'ogosemeria gotaang'anire n'Omoika oyio ogotosukia tokwaane okwegeena gwaito bosio bw'ense.

Koba Omoluteeri bw'okoorokia nokoba oria orisigete Riing'ana ria Nyasae. Riing'ana erio nigo rikoenekia maiso marore 'ng'a, nigo ere ogwaancha kwa Nyasae 'ng'a, ekanisa Yaaye ebwaatane n'aamorokererio, na ebe ase ebireengererio ebimo, emenye ase omoreembe (1 Kor.1:10; 2 Kor.13:11). Nigo ere ase engeencho eyio intwe togwaancha okoorokia [okwegeena] kwe rigori rinene gw'ekeene ki'Obokristo okwo tore nakwo ime y'egetaabu gekorokwa The Book of Concord. Ase Abaluteeri Bakoorokia, mariiko ande taiyo asangereirie gose 'nkwaana chiinde gose ebitaabu ebio bikorwa amoorokererio ye Riing'ana ria Nyasae na koyemaanora Enchiiri y'Ebibilia maiso marore, boroonge, na ase enchera y'okoremia goetaania egetaabu gekorokwa The Book of Concord.

A mo n'okweerwa gwaito gw'okwoorokereria boroonge n'okoorokia gw'okwegeena, goika, na nebetereretie boigo twerue botaambe, koyechiera ense ase enchera y'Enchiiri na koyeteobia [ense] ekeene kia Nyasae ase oboremu. Ase okweera kw'omoerio, eyio neero emeremo y'okoorokia" gw'okwege[e]na. Ekeene, "Naboigo naintwe, ekiagera tore n[']omoika oria oria bw'okwege[e]na buna eriki[i]re, 'Nege[e]nete, na aseenge[e]ncho eyio [']ngakwa[a]na, igo twege[e]nire, na ase enge[e]ncho eyio nigo togokwa[a]na'" (2 Kor 4:13). Eye nero engeencho y'okoba Omoluteeri.

Omonyagitaari A. L. Barry

Omotaang'ani

Ekanisa y'Ekeluteeri y'Esinooti ya Missouri